

## CAP. IV.

*De Fine Bonorum et Malorum.*

63.

**V**na supereſt, de qua in hac contemplatiua Iuris naturae parte dicendum videtur, quaestio ea, qua in ſcholis Philosophorum veterum nihil celebrius fuit, nihil maiori animorum motu diſceptatum: qui fit bonorum malorumque finis, in quo ſumnum bonum et malum poſitum fit. Septem autem a Cicerone (\*) ſententiae ponuntur. Et tres quidem fines honestatis expertes: vnuſ Aristippi vel Epicuri, in voluptate poſitus: alter Hieronymi, in indolentia et vacuitate doloris: tertius Carneadis, in uſu principiorum naturalium: tres, in quibus honestas cum aliqua accessione: Polemonis, in tribus generibus bonorum, maximis animi, ſecundis corporis, externis tertiiis: Calliphontis, in honeſtate, quae voluptatem adiunctam habeat: Diodori, in honeſtate cum indolentia: vnuſ ſimplex: cuius Zeno auctor, poſitus in decore totus, id eſt, honeſtate. Nam reliquorum ſententiae iam Ciceronis tempore diu abiecta euanuerant. Has ſententias ſi inter ſe contendas, et, quid quisque ad opinionem ſuam ſtabiliendam defendendamque attulerit, conſideres, intelligas profecto, in hiſ, de finibus bonorum et malorum, controuerſiis, de vocabulis magis, quam de rebus ipſis, diſputatum eſſe.

(\*) De Finib. B. et M. II; II.

64. Nam